



Arkivsak

26/08523-1

Sakshandsamar

Heidi Staurheim

Saksgang

Telemark ungdomsråd

Partssammensatt utvalg

Yrkesopplæringsnemnda

Hovedutvalg for utdanning, folkehelse
og tannhelse

Møtedato

14.04.2026

15.04.2026

15.04.2026

22.04.2026

Årsrapport Talenhuset 2025

Innstilling frå fylkesdirektøren

Saka tas til orientering.

Bakgrunn og saksgang

Fylkesdirektøren vil med denne saka orientere om arbeidet ved Talenhuset i 2025 gjennom årsrapporten som er vedlagt saka.

Saka leggst fram til uttale i partssamansett utval, Telemark ungdomsråd, yrkesopplæringsnemnda og hovedutval for utdanning, folkehelse og tannhelse.

Saksopplysningar

Talenhuset i Skien er et tverrsektorielt samarbeid mellom Skien kommune, NAV Skien og Telemark fylkeskommune. Det vart oppretta som eit svar frå Telemark etter Riksrevisjonens rapport i 2016, om ungdom utanfor opplæring og arbeid. Det politiske fokuset både i fylkeskommunen og kommunen var at Talenhuset og samlokaliseringa skal bidra til å auke gjennomføringa i vidaregåande opplæring og hjelpe ungdom ut i arbeid. Ved å skape eit heilhetleg tenestetilbod med oppfølging av den enkelte ungdom gjennom styrka samhandling mellom etatar og forvaltningsnivå bidreg vi til å «eie ansvaret for ungdommen saman». Tilbodet ungdommane får skal ha målsetjing om å gjennomføre vidaregåande skule eller komme ut i lønna arbeid. Opprettinga av Talenhuset blei vedtatt i fylkestinget i Telemark fylkeskommune 24.04.2018. Ved fylkessamanslåinga i 2020 blei satsinga inntatt i Vestfold og Telemark fylkeskommune og vidareutviklea gjennom dei fire åra. Fra 1. januar 2024 tilhøyrer den fylkeskommunale delen av Talenhuset igjen Telemark fylkeskommune.

Talenhuset er forankra hos fylkesdirektør i Telemark Fylkeskommune, NAV direktør Vestfold og Telemark og kommunedirektør i Skien kommune som saman representerer eigarane. Mandatet for utøvinga av Talenhusets tenester er lagt til styringsgruppa ved leiar av NAV Skien

og seksjonsleiar i Telemark fylkeskommune, og dessutan deltaking frå oppvekstsjefen i Skien kommune. Talenhuset har ein felles leiar som har delt tilsetjing i NAV og Fylkeskommunen.

Årsrapporten er ei samanstilling av samordna innsats for unge utanfor ordinær opplæring og arbeid og orientering om aktivitet for kalenderåret 2025. Denne er vedlagd i sin heilskap. Samla sett har dei tilsette på Talenhuset vore i kontakt med/følgd opp cirka 2000 unge som stod utanfor arbeid, opplæring og utdanning i 2025.

Samhandling i enkeltsaker på Talenhuset gir meirverdi for unge. I 2025 har vi ved teljing og berekning funne minst 384 enkeltsaker der 2 eller 3 avdelingar ved Talenhuset er direkte involverte. Dette er ein auke med dobbelt så mange som året før. Vi reknar vidare med at det er minst like mange tilfelle av samarbeid utan logging. Det kan til dømes vere svar på enkle spørsmål vi har fått i samtale med ungdom, og som vi kan avklare på lågt nivå som ei følge av det gode samarbeidet internt.

Ein annan viktig synergi med å vere under ein paraply er felles kompetanseheving for tilsette. I 2025 har Talenhuset gjennomført opplæring i ABC for god psykisk helse for tilsette frå alle tre avdelingar på Talenhuset. ABC for god psykisk helse er en nasjonal folkehelsekampanje som handler om å bygge og styrke psykisk helse i hele befolkningen. I tillegg har det vært gjennomført opplæring i inkluderingsverktøy i regi av Nav.

Oppfølginga av dei unge på Talenhuset er i utgangspunktet baserte på individuell oppfølging i grupper. Talenhuset har ei rekkje aktivitetar og tilbod som kan nyttast som verkemiddel i denne oppfølginga.

Talenhuset har i 2025 vært styrka med auka aktivitet. Talenhuset fekk ansvaret for ei ny målgruppe med overgangstilbod i ny Opplæringslov, som vart vedteke i hovudutvalet for utdanning, folkehelse og tannhelse 13. august 2024. Overgangstilbodet er eit spissa tilbod til 16-åringar som ikkje starta eller fall tidleg ut av vidaregåande skule.

Innanfor Talenhuset får ungdom både rettleiing, avklaring, oppfølging og kompetansegivande aktivitetstilbod, utan ugrunna opphald. Det blir lagt vekt på at ungdom i Oppfølgingstjenesten raskast mogleg kjem til rettleiing om dei ikkje har søkt, ikkje startar eller avbryt vidaregåande opplæring. Ein del av desse ungdommane har behov for ytingar frå Nav og andre kommunale tenester for å kunne halde fram/fullføre vidaregåande opplæring.

Økonomiske, administrative og juridiske konsekvensar

Saka er ei orientering om aktivitet ved Talenhuset og har såleis inga økonomiske, administrative eller juridiske konsekvensar.

Konsekvensar for fylkets klimamål og FNs bærekraftsmål

Orienteringa får konsekvensar for fleire av FNs bærekraftsmål.

Mål 4: God utdanning: Sikre inkluderande, rettferdig og god utdanning og framme moglegheiter for livslang læring for alle.

Mål 3: God helse og livskvalitet: Sikre god helse og framme livskvalitet for alle, uansett alder.
Mål 17: Samarbeid for å nå måla: Styrkje verkemidla som trengst for å gjennomføre arbeidet, og fornye globale partnerskapar for berekraftig utvikling.

Fylkesdirektørens vurdering

Fylkesdirektøren ønskjer å orientere om den samordna innsatsen som blir lagd ned på Talenhuset i Skien for å redusere ungt utanforskap og auke gjennomføringa i vidaregåande opplæring for ungdom som ikkje er i ordinær vidaregåande opplæring.

Fylkesdirektøren er tilfreds med at vi har lykkast å skape ein unik samhandlingsarena som koplar kompetanse frå ulike etatar på raskt og godt vis målretta mot kvar enkelt elev og ungdom.

Gjennom tett og god oppfølging kjem vi tidleg i kontakt med ungdommane for å kartleggje utfordringar til kvar enkelt, utarbeider oppfølgingsplanar og raskt i tiltak. Talenhuset svarer dermed godt opp målsetjingane i oppdraget til fylkeskommunen for ungdom utanfor ordinær opplæring.

Med å ha *ei dør* inn er kompetansen og ansvaret til rettleiing og hjelp samla på Talenhuset. Denne organiseringa er både effektiv for OT-rådgivarar og NAV-rettleiarar, men ikkje minst av stor betydning for kvar enkelt ungdom som opplever at offentlege etatar er på same arena med same mål om å hjelpe, slik at ein opplever seg anerkjend og kjem raskt vidare. Samfunnsmessig vurderer fylkesdirektøren at Talenhuset utgjer viktige bidrag i utanforregnskapet.

Vedlegg:

Årsrapport Talenhuset 2025